

sed ipso iure sit irritum et inane. Preterea huius nostre constitutionis auctoritate decernimus, ut, si quis detestabili ambitione commotus elapso anno aut temporis spatio potestarie cuiuslibet prefinito tractaverit aut procuraverit per statutos a nobis vel per consilium civitatis aut per aliquos electores, ut in sequenti anno in eadem civitate vel loco ad eiusdem potestarie offitium assumatur, duplum statuti sibi salarii comuni persolvat et nichilominus penis subiaceat supradictis. Illud etiam huic nostre aditimus¹ sanctioni, ut, si quis potestas pecuniam aut rem quamlibet communis aut alicuius ecclesie vel privati cuiuslibet, qui de districtu sue vel alterius iurisdictionis extiterit, furatus fuerit aut quesita fraude receperit aut in suos usus converterit vel suorum, nudatus cingulo ex ipso facto inter infames perpetuo numeretur², ita tamen quod semper ineligibilis censeatur, et si quando per opreptionem assumptus fuerit, si quid auctoritate publica crediderit statuendum, ipso iure tamquam a privato statutum pro nichilo reputetur. Si quis etiam in potestarie offitio constitutus ab aliquo iurisdictionis sue vel quolibet alio ratione offitii aliquo modo vel ingenio recipere aliquid contra locorum statuta temptaverit, similiter amministratione privatus restituat quod recepit in quadruplum et usque ad biennium¹ ineligibilis habeatur; illo verumtamen non omisso, ut, si interim per obreptionem³ vel modo quolibet eligatur, assumptione nulla penitus habita, quicquid per eum estiterit ordinatum, ipso iure irritum volumus reputari. Precipimus etiam, ut nullus potestas uxorem suam secum ducere audeat aut infra districtum iurisdictionis sue temptet ducere vel habere, [q]uod qui mandato nostro posthabito facere temptaverit, privatus offitio ammittat inprimis salarium constitutum et nichilominus penis subiaceat antiquis legibus comprehensis. Que omnia [cum⁴] capitaneis per provintias civitates aut loca singula nostri demanii constitutis volumus observari, penis videlicet contra transgressores huiusmodi prestitutis erarii nostri iuribus applicandis⁵. Predicta omnia in publicum deferendi facultas cuilibet cuiuscumque conditionis homini velut crimen publicum libera concedatur⁶. Tu igitur presens nostre constitutionis edictum per singulas partes

1) So im Orig. 2) Const. l. c. Z. 39: '... ipso facto ... incurrant infamiam'. 3) b corrig. aus p. 4) Reste des Abk. Zeichens für 'cum' noch sichtbar. 5) Const. imp. et reg. II, 288 Z. 19: 'imperii iuribus applicentur'. 6) Ebendort Z. 20: '... omnibus cuiuscumque condicionis in publicum deferendi licencia concedatur'; vgl. auch Constitutiones regni Siciliae p. 10.